

BUNITA EXPOSICION DI 40 AÑANAN DI CARNAVAL



ORANJESTAD (AAN): Recientemente a tuma lugar na Biblioteca Nacional e apertura di e exposicion "Historia di Nos Carnaval".

E exposicion ta consisti di trahenan, potretnan, documentonan y otro informacion di tur e añanan di e Carnaval di Aruba.

A habri e exposicion aki cu un discurso di Juby Naar, kende a duna un bista riba e historia di Carnaval. Ade-

mas di esaki, Naar a entrega Biblioteca Nacional e discurso aki, cual ta uno hopi valioso y unico.

Presente na e ocasion aki tabata tambe dos di e prome Arubianonan tocador di steelband, Jossy Laclé y Ronny Kock. Tambe ex-Reina Juvenil di Carnaval Anky Bruin, y Prins 50-50 Jeffrey Schuilenburg y Pancho 100% Armin Maduro.

Sorpresa di e atardi tabata e banda "Quiver Quips" kende a pone e publico jump riba musica di Carnaval.

Biblioteca Nacional ta gradici tur persona cu a co-opera cu material pa e exposicion, tambe Juby Naar y e banda Quiver Quips. Un invitacion ta bay na un y tur pa pasa na Biblioteca Nacional y disfruta di historia di Carnaval.